

慶陽府志

卷三十一—三六

烈 方 仙 流 隐

女 技 释 寓 逸

拾 祥 纪 陵

遗 管 事 墓

新修慶陽志卷之三十

1

隱逸

晉人言君子制行不同顯晦之謂也出則允釐世政以道濟時處則振拔囂埃以卑自牧可知出處固因乎時而運際昌明亦有巖棲谷汲不求聞達者非為名高良繇志趣異尚云爾夫尺一之徵下賁林澤者所謂無用以為用可以息貪競之風崇恬淡之節也若竊吹濫巾借終南為捷徑是誠孔稚珪之所嗤請迴俗士駕庸足多乎志隱逸

慶陽府 州縣附

吉 莘 不知何許人也今有元時碑碣在者多自題隱士云

慶陽府志

卷之三十

隱逸

一

明

劉 英 寧州人年二十八以挫於有司乃折節讀書晝夜不輟僅三載即登成化甲午鄉舉秉性公直嘗出粟救荒全活甚衆嘗曰吾初志本無進取迫於世故今幸成名而吾親年老豈可輕出耶竟終身不仕人咸高其節

楊 博 安化人字守約別號鳳川神清健氣至老不衰生平

無書不讀其為文辨詩亦清矯拔俗尤耽於六書楷篆雙絕空同李公名擅一時獨重博然天性高淡於功名不預科第歲貢之日有司勸駕乃行除判解州以母老陳情西歸於屋後建背郭堂一區為終焉之計松竹蘭蕙盈園圖書琴几

滿架高卧吟詩尚友古人暇則荷鋤蒔藥栽花以為娛樂人以羨門王喬目之一時名卿郡大夫咸折節下之壽九十餘而終尚書張公珩常親自存問復為之銘其墓

曹 琬 中衛人字廷圭別號對峯家貧折節讀書積數千卷教授自給來學者衆其坦易出於天性即田夫野老有問務愜其懷嘗自謂曰古人知足不辱知止不殆今不據現在者以為足吾恐於當止者不能止矣貢於廷乃曰吾豈不自知吾非牧民才豈可虛糜爵祿以重吾過耶今者之來特以了吾讀書事耳因上書求歸蒙嘉恬退有官服之錫時傳學禮寓京贈以詩見藝文志抵家日與鳳川諸友為山林游陶然

慶陽府志

卷之三十

隱逸

二

自樂者二十年不嗜榮利並不問家人生產也壽八十一終
李 幹 環縣人以明經應歲貢賦性聰穎持己清介詩詞藝文為鄉人推重後怡真樂道隐居方山終身不仕真泊然寡營不求聞達者

胡 紳 環縣人字大縉別號逸田世以耕讀起家為縣學生耿直為鄉里所敬憚人以許劭月旦目之色養二親曲盡子道及相繼捐館築陶穴於墓側終喪而返性疏散不事帖括累試不售及長子主事獻金登賢書慨然曰吾有子入官吾行義矣即讓貢於下名者徜徉山谷足跡不入城市日以文酒自娛縣官存問不答壽七十六而終

朝廷燧 寧州人登鄉薦授道州訓導賦性廉直耻依阿澆忍之所為旋即致仕歸優游林泉教授生徒澹如也人稱其高尚

谷中仁 安化人以通判致仕家居四十五年黃冠野服日以種樹植花為事壽踰髦期噐宇洒落翛翛然若神仙中人蓋中有所得斯外無所係者也

國朝

龐國柱 安化人為諸生時詔舉德行後知懷仁縣致仕歸隱居林溝山中教子耕讀嘗持準提一冊若游世外蓋深於禪而不泥於禪者年七十有五神采如少壯人

慶陽府志

卷之三十

隱逸

三

栗挺周 寧州人有恩之子庠生性瀟灑不樂仕進自改革後隱居鄉僻棄舉子業養志承顏翛然自適

王敬之 環縣人字維公庠生居家孝友讀書力田以親老不試朝夕色養曲盡懽心母文氏年九十八歲安步健飯孫曾繞膝下兩邀粟帛之賜雖鐘鼎不易孺慕焉

唐 魁 合水人明崇正丙子鄉舉授寧遠理刑才敏識練訊決若流夙著賢績六年行取值闖逆亂抵京掛冠歸高蹈不出國初屢召不起優游泉石以終

何東鳳 學行兼優非公不至孝事慈悋忘情筮仕有出塵之志人皆重之亦合水人

樊騰霄 寧州人明舉人授昌黎令耿直不阿解組歸適闖逆₄
陷城賚授以官不應追拷備受國朝定鼎隱居荆村山灌園
植菜作詩文以自娛

胡能定 安化人性持重不苟嚙笑弱冠補前明博士弟子員
親沒後遂無意功名日與同人放浪山水善岐黃能起沉疴
奇疾里人以彥方鄉君子目之且謂寓良相於醫焉壽八十
四無疾端坐而逝

